

廣州大典

陳建華 曹淳亮 主 編

廣州大典

42

第三輯·粵雅堂叢書
第四冊

廣州出版社

目錄

第七集

虎鈴經二十卷

宋許洞撰 二

打馬圖經一卷

宋李清照撰 一二四

叙古千文一卷

宋胡寅撰 宋黃灝註 一三一

草廬經略十二卷

明□□撰 一五〇

字觸六卷

清周亮工撰 三〇三

今世說八卷

清王昶撰 三六八

飲水詩集一卷 詞集一卷

清性德撰 四三四

第八集

雙溪集十五卷 附遺言一卷

宋蘇籀撰 四九一

日湖漁唱一卷 補遺一卷 續補遺一卷

宋陳允平撰 六四一

瑟譜六卷

元熊朋來撰

六七四

秋茹集八卷附錄一卷

清吳兆騫撰

七一〇

燕樂考原六卷

清凌廷堪撰

八二九

第七集

粵雅堂叢書

粵雅堂叢書

第七集

虎鈴經二十卷

宋許洞撰

打馬圖經一卷

宋李清照撰

敘古千文一卷

宋胡寅撰

黃灝註

草廬經略十二卷

明無名氏撰

字觸六卷

國朝周亮工撰

今世說八卷

國朝王晔撰

粵雅堂叢書目

飲水詩集二卷詞集二卷

國朝性德撰

虎鈴經

虎鈴經序

虎鈴經者將軍之事也臣素好奇正之變由是而言之也自古兵法多矣然孫子之法奧而精使學者難於曉用諸家之法膚而淺或用者喪於師律淺深長短迭爲表裏酌中之理誠難得焉又觀李筌所著太白陰經論心術則祕而不言談陰陽則散而不備以是觀之誠非具美臣今上採孫子李筌之要明演其術下撮天時人事之變備舉其占或作於已見或述於古人名曰虎鈴經然則奇謀詭道或不合於六經既爲兵家要用故必

虎鈴經序

一
粵雅堂叢書

貫穿條縷以備之六壬遁甲星辰日月風雲氣候風角烏情雖遠於人事亦不敢遺漏焉至於宣文設奠醫藥之用人馬之相得有補於軍中者莫不具載自爲一家之言創意於辛酉之初成文於甲辰之末其書二百一十篇分爲二十卷其年書就於吳郡鳳皇里臣洞頓首謹序

許洞上虎鈴經表

臣洞言重門擊柝所以待暴客弦弧剡矢所以利天下
閱龍韜而拓統奮虎畧而禦侮自三代以來未有廢而
不用者也伏惟皇帝陛下稟德自天應時御世恢張皇
猷啟迪帝範廓兩門之禔沴愈萬姓之瘡痍煥燁光明
昭灼海內臣叨生聖世伏膺古訓游陛下豐草長林沐
陛下淳恩厚德不識不知順帝之則擊壤鼓腹有日矣
臣曩者輒不量淺陋以蕞爾之志慕述作之道歲月寢
廣卷軸斯備著書二十篇名曰虎鈴經要其書上言人

虎鈴經序

二 粵雅堂叢書

謀中言地利下言天時雖紛拏錯綜終始備具枝分派
別凡在師中吉者必貫穿條舉其有引正道征不庭則
堯舜之謀具矣伐四夷馭異類則周宣之武盡矣建廟
謨開經濟則良平之策存矣用詭道出奇謀則韓白之
機在矣聽禽鳥之聲察風雲之變則師曠離婁之議舉
矣撮古人之志剖愚慮所得叢萃乎其間亦兵家淵藪
也臣今者伏覩勅命高張六科俯待多士臣雖不佞竊
敢任狂瞽之識黷聰明之化備陳韜畧運籌決勝科其
所撰虎鈴經并目錄二十卷謹齋沐修戒燃香繕寫隨

表以進干冒冕旒臣無任瞻天仰聖激切屏營之至謹
具以聞洞誠惶誠恐稽首頓首謹言

虎鈴經序

三 粵雅堂叢書

虎鈴經總目

卷之一

天功

地利

人用

三才應變

三才隨用

卷之二

辨將

論將

出將

軍令

船戰

步戰

虎鈴經總目

卷之三

兵機統論

軍謀

教戰

先謀

先勝

勝敗

知姦

奪恃

襲虛

任勢

使間

分守

卷之四

十可擊

五不可擊

一
粵雅堂叢書

五異

五機

被圍

圍寇

防敵

候敵

追敵

詭敵

困敵

周備

遠近

卷之五

料地

生地

死地

料山

虎鈴經總目

料水

料塵

料敵陣

料敵營

料用天氣

料用地形

逆用古法

卷之六

水戰

水利

水攻

過水

尋水脈

火利

火攻

守城

一
粵雅堂叢書

築城	城壕
防城	反浸
弩臺	烽火臺
望樓	馬鋪
遊奕	守城具
攻城具	地聽
失道	
卷之七	
旗幟	大將旗鼓
虎鈴經總目	
陣將旗鼓	金鼓
蠡角	鼓角
漏法	傳箭
測影	
卷之八	
結營統論	六甲
地勢	山勢
四獸	握奇營
偃月營	教弩
三 粵雅堂叢書	

教弓	教旗
校獵	軍樂
軍賜	大將軍員
陣將軍員	隊將軍員
征馬	牧放
卷之九	
四陣統論	飛鸞陣
長蛇陣	重覆陣
八卦陣	飛轅陣
虎鈴經總目	
卷之十	
相人	金瘡統論
治金瘡方	疫氣統論
治疫氣	治戰瘡
禳厭	相馬統論
馬忌	馬毛利害
治馬金瘡	治馬雜病
卷之十一	
天時統論	出軍日
四 粵雅堂叢書	

四戰圖	孤虛
九勝法	地兵灘
黃幡虎尾	遊門
八卦	五姓
天罡	雷公
十二將	三九
卷之十二	
六壬傳謀	遁甲遊都
五行勝負	戰位
虎鈴經總目	五
八宮	
卷之十三	
占相兵臨利害	占兵已交勝負
占伏兵	占疑左右近地伏兵
占偷城及擄掠	占疑有人謀已
占災危	占野地立營正宿
占渡關梁探賊	
卷之十四	
占星統論	日

月	雜星
客星	妖星
流星	彗星
卷之十五	
五星統論	木星
火星	金星
水星	土星
卷之十六	
分野統論	老人星
虎鈴經總目	六
大火	析木
星紀	元枵
娵訾	降婁
大梁	實沈
鶉首	鶉火
鶉尾	
卷之十七	
雲氣統論	雜雲氣
勝兵雲氣	城上雲氣

將軍雲氣	伏兵雲氣
姦賊雲氣	敗兵雲氣
卷之十八	
天	地
虹蜺	雷霆
戰候	雜占
占風統論	五音占風
刑殺占風	十二位占風
占逆風	風雨雜占
虎鈴經總目	七
八節占風	
卷之十九	
時加占鳥情	運加占鳥情
雜占鳥情	時加占鳥
六甲占鳥情	
卷之二十	
誓文	祭毗沙門
祭風伯雨師	祭山川神
祭黃帝文	祭蚩尤文

祭八神文	祭當境神文
禱牙旗神文	禱門旗文
禱五方旗文	禱六纛旗文
禱五兵文	禱馬文
釁鼓文	回兵
虎鈴經總目	八

虎鈴經卷第一

天功第一

地利第二

人用第三

三才應變第四

三才隨用第五

天功第一

天道變化消長萬彙契地之力乃有成爾天貴而地賤天動而地靜貴者運機而賤者效力上有其動而下行其地矣是以知天之施地匪專也知地之應天有常也生機動則應之以生氣機動則應之以氣機正則泰機亂則否萬物列形而否泰交著見之於地焉豈止地之

虎鈴經卷之一

粵雅堂叢書

爲乎蓋天道內而地道外者也王者天也將地也將者天也士卒地也我天也敵地也由此觀其所動故負勝可知矣王之於將也闔外之寄擇賢授柄舉無所疑將必內應其正外務其順應以正則師律嚴務以順則臣節貞舉而禦敵詎有輿尸之患乎君恃智以自用倨禮而傲下授柄匪人任人不信將不正應內包猶豫之惑外喪馭衆之威矣舉而禦敵甯免失律之凶乎師之成敗見之於將焉豈將之爲乎將之爲任也智敵萬人苟無萬人之用與愚者同矣勇冠三軍苟無三軍之用與

懦者同矣善爲將者正而能變剛而能恤仁而能斷勇

而能詳以策馭吏士未有不振拔勲業以戡禍亂者也

反是則吏士外無攻內多離散之勢勇怯見之吏士焉

豈吏士之爲乎我之於敵也夫功拔戰勝使敵不敢抗

衡者豈敵怯乎由我威令整進退肅賞罰明也覆兵殺

將弱國削地者豈敵彊乎由我不嚴師律故也夫如是

亦自上而及下自內而迨外其猶天地之用乎故天必

藉地力然後運四氣正生殺也貴必藉賤力然後能立

元功而建王業也

虎鈴經卷之一

粵雅堂叢書

地利第二

地之形險易殊也地之氣寒熱異也用形與氣在知逆順焉昧此道者不能得地利必矣善用地者則不然險而易之易而險之也夫居險用險必內潰居易用易必內蹶當有形之用逆之者善矣何謂險而易之曰簡以夷其政要以節其動用以緩其約不以疎慢爲失也何謂易而險之曰進止戒嚴內外無忘用其謹慎不以暴急爲終也如是者乃險易之用也以方位觀之則寒熱之氣異也當有氣之用順之者善矣南方之氣熱北方

之氣寒也其氣異則水土之性必相反逆諸人而使之飲其地脈食其土毛蒙其風氣瘴癘之疾凍澁之戾加焉以我之不便犯順方之人不有患乎天不能以氣順人君能以人順氣可也是故利不可以專一北人之馬南人之航也各有便焉反是不可措手足矣行師者不能擇而用之斯亦更北南之所便也冀其成功遠矣是知地之所利者可兼而有乎善用兵者擇利而從之善矣

人用第三

虎鈴經卷之一

三 粵雅堂叢書

今之世取人也每務其多學而捨其偏技非良術也兵家所利隨其長短而用之也是以善撫恤者勿頻鬪慮其勞疲而無勇也善保守者勿使進攻慮其遲緩而不猛也多方者勿使與於決事慮其猶豫也多勇者勿與謀敵慮其過輕也精悍者使鬪果敢者使攻也沉毅而性執者使據阻險見小而貪財者不可使守儲蓄智而善斷者可擇其言輕健者使誘敵剛愎者使當鋒利口喋喋者使行間善風竊狗偷者使盜號探敵惡言多罵者使之揚毀訾詈奇材異識者使預談論深識大度者

使安衆囑強多力者使斬關擗莽善隨地形結構者使度樹營柵怯懦者使輦運器用老弱者使備炊汲諳山川擇高下水泉之利者使地形妖言詐辭善張皇鬼神之心推引天命者使揚聲惑衆以動敵心善擇地勢平易險阻知往來細大之蹊路者使通糧儲奇辭偉辨能架虛矜大者使奮振威德耳目聰明探察敵人情者使伺候奸偽敏才健筆者使主牋檄明七曜休咎者爲歷數之士善占風雲吉凶者爲候氣之士曉六壬遁甲者爲選日時之士諳蓍龜者爲卜筮之士是四人者雖推

虎鈴經卷之一

四 粵雅堂叢書

三才應變第四

易曰見機而作不俟終日故用兵之術知變爲大軍雖氣銳時勝一作遇而行列散潰旌旗紊亂金鼓不節擊之可也或曰彼得天時詎可破乎許洞曰天之所祐正也怙天時而戾軍政與天違也天人相違不凶何俟故兵

利以順應順也順而逆應之必凶之兆也或曰軍乘天時跨有地利將吏驕怠謀畫不精軍陣散亂如之何洞曰可擊也彼獲天地之利如何擊之曰人者天地之心也苟心不正雖有其表將焉用乎或曰軍違天時逆地利大將深謀沉毅部伍清肅進退有節如之何許洞曰未可擊也曰不獲天地之利奚謂未可乎曰正則可以率天地之用草寇可爲王矣或曰彼如是也我之動將之如何許洞曰先以人次以地次以天然後攻之必克敵也曰先後如之何曰利爲主何謂主曰動爲客靜爲

虎鈴經卷之一

五 粵雅堂叢書

主觀敵之動何如乃應之夫書言動者不必戰陣時敵人所爲之事謂之動則我先動爲客也但密構敵人我以機應之必勝焉先勝而後舉神明之道也

三才隨用第五

天著吉凶以陰陽辨也地布險易以山川章也人包勇怯以戰陣見也苟有欲陰陽之順險易之利勇怯之用在於閑暇可得而擇也當彼我相逢各出不意忽然交合曷能擇所利而用哉或曰兩師不期逼於險地天地震晦雨雪交積山川不辨當此之際何以禦之許洞曰大將止衆堅陣嚴肅號令雖敵來攻勿與交戰俟天變

少罷觀弱彊之勢而後進退之曰我既安矣彼自驚撓則如之何曰以積兵乘之又曰倉卒之際大將以何術卽能堅行陣嚴號令使士卒不自驚亂許洞曰善用兵者有動必備預擇輕勇者二十四人八方各三騎相去一里晝以旗夜以鼓過山川委曲叢林茂密書亦鳴鼓恐不見旗第一騎見賊晝舉旗第二騎亦如之第三騎馳告夜用鼓如晝法恐敵聞鼓聲急馳告烟霧蓊塞風雷震驚旗之不見鼓之不聞亟馳告斯謂八卦探騎者也是以值賊而能備焉苟天地有變則引輕兵突之大陣不可妄動凡大兵出常以輕騎數千人別分部

虎鈴經卷之一

六 粵雅堂叢書

陳爲游兵其將擇驍勇觀彼動靜而後舉焉故我常用其整也此皆隨天之變也或曰與敵卒然相遇或平原廣澤或山谷深峭或坡磴穹隆或坳汙沮洳或草木蒙密俱是危地當其用之如何許洞曰迴渠迂在澗可以衝車突馳也深峽隘口可以少擊衆也長林豐草可以爲伏也原野漫衍可以騎兵相屬也草木隱障可以步士接戰長郊往來可進可退可以長戟當敵崖壁相隱狹徑迴可以不可得親近可以長弩當敵崖壁相隱狹徑迴可以劍楯當敵葦蕭蘆荻枝葉朦朧可以戈挺在當敵此皆

隨地之性也或曰寨柵之間三軍已覩寇敵乘間衝突
 攻擊當此之時如之何許洞曰使勇者據其前怯者匿
 其後忽遽之時怯者彊驅而前進焉必挫鋒折銳不若
 隱之也曰當此之時何暇別勇怯之用乎曰不然善用
 兵者防亂於未亂備急於未急結營既定預擇彊勇者
 衛外怯弱者附之所以慮晦夜之急也此皆隨人之性
 也如是順天地人預備之道者也故易之卦以豫者預
 也取預備之象爲難之用也故曰重門擊柝以待暴客
 蓋取諸豫用兵者可不審於此乎

虎鈴經卷之一

七 粵雅堂叢書

虎鈴經卷第一

譚瑩玉生覆校

虎鈴經卷第二

辨將第六 論將第七 出將第八

軍令第九 船戰第十 步戰第十一

辨將第六

國家行師授律生殺之柄大將所主將者國之腹心三
 軍之司命也可不慎於選乎苟欲命將預以精誠辨其
 可否者有四一曰貌二曰言語三曰舉動四曰行事其
 一曰貌凡眉上雙骨橫起而隆巘者語言而不純者目
 反仰視者方坐內多虛驚者行而瞠乎必照後者目睛

虎鈴經卷之二

一 粵雅堂叢書

多白而有赤炤瞻視不端者此六者人有一斯人常
 蘊不臣之心不可使之也豐下銳上神氣安詳者重德
 而善安衆人也目黑多白少點睛深而神氣與形相副
 者機度沉厚不可以詐動人也目睛熒朗五岳相照燕
 領虎頤者心機疾速勇而有斷人也龜背虎臆點睛深
 而朗徹瞻視詳諦而神骨聳峭者雄壯有智慮人也是
 五者人有其一可使之也至若神氣重濁骨相不正頭
 薄面淺頸大腹細目睛昏眴睛睛近上視顧不正此皆
 志氣淺劣智識庸鄙人也其二曰言語人有言肆而目

駭視者心懷異圖也言枝蔓而不徑者心有隱也矜大人善唯恐不至者黨人也言錯綜而無所歸者心躁競也方言而他視者心不誠也言卑而色下者心有所屈也方言頻四顧者其辭妄也言人之短而視不定者誣罔人也言多以私事爲憂者顧妻子之人也言大而理不精者其學虛也色悅而徐徐順人意者佞媚人也矜已善而斥人不善者崛彊人也言欲發而却縮者含蓄人也言無公私必及利者貪人也色卑而言多諂者志下劣人也事曲而言直氣悖而言順鄙而言大事不詳

虎鈴經卷之二

粵雅堂叢書

而彊能理矯而彊正此皆姦詐人也是十有六者人有一不可使也言大而意精至者有識度人也言希而出必中者志節人也言動而必及國家者忠孝人也言奮而不迂者壯直人也辭寡而意懇者公正人也言多及軍吏之私者善拊恤人也言及陣敵喜動色者好勇人也言及細微而能剖析是非者有智人也言迂闊而卒近於理者識深見遠人也言少而事詳者大度人也語氣和而神色相稱者善納衆人也言徐徐而事備者性緩而有德人也言速而事當性急而不暴有識人也

是十三者人有一皆可使之也其三曰舉動行有狼顧者行與坐忽如驚恐者非時言語而手足紛拏者方食而不覺棄匙筯者方坐而首偏口目輒斜動者行而唯恐有人逐者欲坐而頻四顧如有所駭者方言勃氣上騰神色自得者待下多卑恭而不實者觀事覺已如不知而目它視者是十者有一此皆心不誠實多蓄異圖人也不可使之也行欲如大輅足動而身不搖也坐欲如山岳形神俱定也臥欲如覆舟神烝安詳也此皆智度沉深大節崇德人也是三者人有一可使之

虎鈴經卷之二

粵雅堂叢書

也其四曰行事有人行事先已後人者好私人也事繁多而用事不當者無智人也作事不急於用者無益人也作事有首無尾者僞人也先急而後慢者卒衆庸人也事不求詳而輒爲者羸疎人也巧妙而無裨急用者浮豔人也所措捨魯鈍而不適用者愚人也利害章章而不能析之者無識人也臨事而懼者懦弱人也進退不決者無斷人也記一而忘二者神昧人也事虛而構架廣大以善爲惡以惡爲善者姦人也善候人之顏色隨所欲言者佞人也是十四者人有一不可使之

也有事簡而用當者有喜怒之事不露於色者臨大事而神氣自若者此謂神有餘人也有微而不棄大而不煩者凶事不懼美事不喜者事有衆惑而獨斷之者事有衆危而獨安之者事有難動而獨動之者事有難安而能安之者此謂志有餘人也是十者人有其一皆可使之也是以知貌也者神之聚也言語也者神之發也舉動也者神之用也行事也者神之本也察其神則盡其爲人之道也大矣况國之命將可不審於此乎

論將第七

虎鈴經卷之二

四

粵雅堂叢書

萬機論曰雖有百萬之師恃吞敵在將者恃將也夫舉國之利器以授之苟非其人是輕天下將何以爲謂小大者各有四焉八者皆無何足以謂之將乎其大者一曰天將二曰地將三曰人將四曰神將其小者一曰威將二曰彊將三曰猛將四曰良將凡興師舉衆列營結陣視旌旗之動審金鼓之聲揆日度時以決吉凶隨五行運轉應神位出入以變用兵敵人不測其所來以神用兵我師不知其所爲動有度靜有方勝負在乎先見持天地鬼神之心以安士衆此之謂天將者也所至之

境詳察地理

利作

山澤遠近廣狹險易林藪之厚薄谿澗

之深淺若視諸掌戰陣之時前後無阻左右無滯步騎

使其往來戈戟叶其所用指揮進退皆順其情人馬無

逼塞之困攻守獲儲蓄之利振野得水草之饒使人馬

無飢渴之色陷死地而能生攻亡地而能存逆地而順

用之順地而逆用之不擇險易皆能安而後動動而決

勝者此之謂地將者也又若廉於財節於色疎於酒持

身以禮

公作

奉上以忠憂樂與士卒同獲敵之貨賂而不

蓄得敵之婦女而不留納謀而能容疑而能斷勇而不

虎鈴經卷之二

五

粵雅堂叢書

陵物仁而不喪法原作其小罪決其大過犯令者不諱其親有功者不忌其讐老者扶之弱者撫作之懼作者甯之憂者樂之訟者決之濫者詳之賊者平之彊者押之懦者隱之勇者使之橫者殺之服者原之失者扶之亡者逐之來者爵之暴者挫之智者昵作之讒者遠之得城不攻得地不專敵淺以待變敵詭以順會逆勢則觀順勢則攻此之謂人將者也又若以天爲表以地爲裏以人爲用舉三將而兼之此之謂神將者也行師之時無失天時無失地利無失其人無有勇怯聞敵而卽